

BOSNA I HERCEGOVINA
Ministarstvo inostranih poslova



БОСНА И ХЕРЦЕГОВИНА
Министарство иностраних послова

BUDŽET ZA GRAĐANE

2024. GODINA

Sarajevo, avgust 2024. godine

I ZAKONSKI OSNOV

Ministarstvo inostranih poslova Bosne i Hercegovine je državna institucija nadležna za provođenje spoljne politike Bosne i Hercegovine, koja radi na razvoju međunarodnih odnosa u skladu sa stavovima i smjernicama Predsjedništva Bosne i Hercegovine, kao i na promociji i zaštiti spoljnopolitičkih interesa Bosne i Hercegovine i njenih građana.

Ministarstvo inostranih poslova Bosne i Hercegovine je organ uprave koji je osnovan Zakonom o ministarstvima i drugim organima uprave Bosne i Hercegovine („Sl. glasnik Bosne i Hercegovine“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17). U skladu sa Ustavom Bosne i Hercegovine, važećim propisima, Bečkom konvencijom o diplomatskim odnosima i Bečkom konvencijom o konzularnim odnosima, Ministarstvo utvrđuje prijedlog spoljne politike i sprovodi spoljnu politiku Bosne i Hercegovine.

II MISIJA I VIZIJA

Misija

Ministarstvo inostranih poslova Bosne i Hercegovine nadležno je za provođenje spoljne politike Bosne i Hercegovine koju obavlja putem diplomatsko-konzularnih predstavništava Bosne i Hercegovine u drugim državama i u/pri međunarodnim organizacijama. Za potrebe Predsjedništva Bosne i Hercegovine, Parlamentarne skupštine Bosne i Hercegovine, kao i Savjeta ministara Bosne i Hercegovine, Ministarstvo inostranih poslova daje mišljenje o spoljnopolitičkim interesima Bosne i Hercegovine, kao i prijedloge za pokretanje i razvijanje djelovanja u području spoljne politike i međunarodnih odnosa. Ministarstvo inostranih poslova predstavlja Bosnu i Hercegovinu u drugim državama i međunarodnim organizacijama i institucijama, štiti interese Bosne i Hercegovine, njenih državljanja i pravnih osoba van Bosne i Hercegovine, razvija prijateljske odnose i saradnju između Bosne i Hercegovine i drugih država na političkom, ekonomskom, kulturno - obrazovnom, naučno – tehničkom, sportskom i informacijskom području, kao i na ostalim područjima od interesa za Bosnu i Hercegovinu.

Vizija


Vizija uspješnog djelovanja Ministarstva inostranih poslova Bosne i Hercegovine fokusirana je prema promociji i zaštiti interesa Bosne i Hercegovine u međunarodnim odnosima radi osiguranja blagostanja svih njenih građana, pune uključenosti u globalnu ekonomiju, te aktivnog učešća u odlučivanju o važnim globalnim pitanjima, posebno u osiguranju svjetskog mira i mirnog rješavanja međunarodnih kriznih situacija.

Srednjoročni cilj Ministarstva inostranih poslova Bosne i Hercegovine je „Sprovedenje spoljne politike Bosne i Hercegovine u svrhu realizacije spoljnopolitičkih ciljeva Bosne i Hercegovine.“

III PROGRAMSKO-PROJEKTNA STRUKTURA BUDŽETA

PROGRAMI	IZNOS (KM)	PROCENAT
Provođenje spoljne politike Bosne i Hercegovine	53.927.200	80%
Zastupanje i zaštita prava i interesa građana i pravnih lica Bosne i i Hercegovine u inostranstvu i razvoj međunarodno pravne saradnje	13.481.800	20%
UKUPNO:	67.409.000	100%

PROGRAMSKO-PROJEKTNA STRUKTURA RASHODA



Sredstva u iznosu od 53.927.200 KM planirana su za provođenje spoljne politike Bosne i Hercegovine, unapređenje i izgradnju bilateralnih odnosa Bosne i Hercegovine sa drugim državama i uspostavljanje mehanizma koordinacije Ministarstva inostranih poslova Bosne i Hercegovine i nadležnih ministarstava prema međunarodnim organizacijama i institucijama.

Dio sredstava izdvaja se i za posredovanje u organizaciji privrednih foruma i konferencija u svrhu promocije privrede i ekonomije naše zemlje, te upoznavanje stranih investitora sa privrednim mogućnostima Bosne i Hercegovine.

Bilateralne posjete, susreti, kontakti, političke konsultacije i ekonomski forumi sastavni su dio poslova Ministarstva inostranih poslova Bosne i Hercegovine što ima za cilj ostvarivanje jačih bilateralnih veza sa što većim brojem država. Imperativ spoljne politike svake zemlje je jačanje i uspostavljanje bilateralnih veza sa većim brojem zemalja te je zbog toga, za organizaciju navedenih aktivnosti, potrebno izdvojiti određena sredstva.

Poseban dio sredstava zahtijevaju aktivnosti na učešću i zastupanju interesa Bosne i Hercegovine u međunarodnim organizacijama i institucijama/povećanje međunarodnog vizibiliteta Bosne i Hercegovine, kao kredibilnog partnera u međunarodnim odnosima.

Značajan dio aktivnosti je promocija ekonomskih interesa i javne diplomatije. Poseban dio budžeta je za organizovanje poslovnih događaja u Bosni i Hercegovini i inostranstvu na koji se pozivaju gosti iz zemalja Evrope i svijeta sa kojima, i na taj način, se jača saradnja i otvaraju mogućnosti za potencijalna ulaganja ili promociju lakšem pristupu bh proizvoda na drugim tržištima.

Kontinuirani rad na unapređenju i razvoju bilateralnih odnosa Bosne i Hercegovine sa zemljama regiona, članicama EU, je od strateškog interesa kao i zastupanje interesa Bosne i Hercegovine u međunarodnim organizacijama i institucijama i unapređenje saradnje sa EU i NATO. Ministarstvo inostarnih poslova Bosne i Hercegovine ima značajno učešće u postupcima sklapanja međunarodnih ugovora.

Koordinacija promocije izvoznih mogućnosti kompanija iz Bosne i Hercegovine i privlačenje stranih investicija takođe je bitna aktivnost Ministarstva.

Potrebno je naglasiti da se posebna pažnja posvećuje:

- povećanju broja zaposlenih koji su ovladali diplomatskim vještinama kako bi poslovi u DKP mreži bili što bliži potrebama građana;
- usklađivanju normativnih akata i internih procedura iz djelokruga upravljanja ljudskim resursima;
- unapređenju postojećeg informacionog sistema.

Značajan dio budžeta Ministarstva usmjeren je na aktivnosti koje imaju za cilj smanjenje zakupa objekata koji se koriste za potrebe diplomatsko-konzularnih predstavništava Bosne i Hercegovine u smislu kupovine valstutih prostora ali i adaptacije i rekonstrukcije objekata u vlasništvu.

S tim u vezi, krajem 2023. godine kupljen je objekat za potrebe Ambasade Bosne i Hercegovine u Podgorici a 2024. godine planirano je opremanje i useljenje u isti.



Ambasada Bosne i Hercegovine u Podgorici

Sukcesijom imovine bivše SFRJ, Bosni i Hercegovini dodijeljen je objekat za potrebe diplomatsko-konzularnog predstavništva u Austriji. Tokom 2024. godine planirana su sredstva za I fazu rekonstrukcije i adaptacije objekta.



Objekat Bosne i Hercegovine u Beču

U planu je nastavak na rekonstrukciji objekta Bosne i Hercegovine u Budimpešti i Teheranu s ciljem useljnja u iste i smanjenje troškova za zakupe prostora.



Objekat Bosne i Hercegovine u Budimpešti



Objekat DKP BiH u Teheranu


Sve prethodno navedene aktivnosti se sprovode sa jasnim ciljem: Unapređenje političkih i ekonomskih odnosa sa zemljama partnerima i međunarodnim organizacijama te širenje i unapređenje organizacije i koordinacije rada u diplomatsko-konzularnoj mreži Bosne i Hercegovine.

Za zastupanje i zaštita prava i interesa građana i pravnih lica Bosne i i Hercegovine u inostranstvu i razvoj međunarodno pravne saradnje planirana su sredstva u iznosu od 13.481.800 KM.

Ovim iznosom je predviđena zaštita prava i interesa građana i pravnih lica iz Bosne i Hercegovine u inostranstvu. To uključuje:

- pružanje konzularnih usluga građanima Bosne i Hercegovine u inostranstvu i stranim državljanima;
- pružanje usluga na zaštiti prava građana Bosne i Hercegovine u inostranstvu;
- unapređenje sistema zaštite interesa Bosne i Hercegovine, njenih građana i pravnih lica u inostranstvu;

- izdavanje putnih isprava, viza, određivanje i evidentiranje JMB, prijem zahtjeva za odricanje od BH državljanstva, provjere identiteta i državljanstva;
- rješavanje statusnih i socijalna pitanja;
- zaštita interesa i imovine pravnih lica iz Bosne i Hercegovine u inostranstvu;
- saradnja sa počasnim konzulima Bosne i Hercegovine;
- izdavanje sprovodnica, upis u matične evidencije i dr.



S obzirom na činjenicu da Bosna i Hercegovina ima 56 diplomatsko-konzularnih predstavništava u svijetu, sa tendencijom povećanja tog broja, najveći dio raspoloživih sredstava se troši na plate i naknade zaposlenih kojih je, polovinom 2024. godine bilo 455.

Sredstva koja su planirana za kapitalne investicije su nedovoljna i namijenjena su prioritetnim investicijama kojima se poboljšavaju radni uslovi diplomata kako u sjedištu tako i u diplomatsko-konzularnoj mreži Bosne i Hercegovine.